

Chel misteri

Cjàle ben lassù tal cîl
cjàle ben par un sol moment
cjàle cjàle ch'el mantîl
ch'al fâs bièl il firmament.

Discuviàrgi ch'el misteri
e il parcé di chel cimià
cui segrez de sô bieleçe
e cemût rivà fin là.

Par jentrà te maravèe
che t'invide a curiosà
e cussì 'e nàs l'idèe
di fa alc par miôr cjalà.

Il pericol, la manie
di cjalà ogni moment

Poesie e Racconti Friulani

cul binocol dilunvie
tra chês linz d'ingrandiment.

E cjalà un mont di stelis
che spiardudis 'a son lontàn,
andì e tantis dutis bielìs
e no si po' tocjà cun man.

Lavoron d'inzeernerie
d'un bravissin costrutôr
dut 'l'à fât in armonie
l'onipotent .. Il creatôr.